



Aalisarneq pillugu Siunnersuisoqatigiinnut aamma taaseqataasinnaanatik ataatsimeeqataasartunut

Matumuuna 2024-mut avaleraasartuunut aamma Norskit ammassassuaannut upernaakkut suffisartunut (atlanto-skandisk) Tunumi TAC-tut siunnersuut tusarniutigalugu nassiunneqarpoq.

Tusarniaanermut akissuteqarnissaq ulloq **01/02 2024-mi nal. 16.00.mut killeqarpoq.**
Tusarniaanermut akissutigineqartut uunga nassiunneqassapput apn@nanoq.gl

Avaleraasartuunut Kalaallit Nunaat naalagaaffiuvoq sinerialik. Maannakkut avaleraasartuunut pisassiissutit agguanneqarnissaanut isumaqatigiissutissaq naalagaaffiit sinerialit isumaqatigiinniutigaat. 2024-mi upernaakkut Londonimi illuatungeriit naapeqqissapput 2024-mullu pisassat agguanneqarnissaat misilillugu kingullertut isumaqatigiinniutigiarlorlugu. Kalaallit Nunaat isumaqatigiissutitaqanngitsumik takussutissaqarnissaanik piareersimasariaqartoq aamma isumaqatigiissutitaqartumik Aalisarnermut Piniarnermullu Naalakkersuisoqarfimmit nalilerneqarpoq, taamaaliornikut isumaqatigiinniareernerup kingorna piaartumik akuersissutinik agguassisinnaaneq anguniarlugu.

11-01-2024

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Takussutissiami ataaniittumi Atlantikup avannaani avaleraasartuunut ICES-ip siunnersuina, Kalaallit Nunaata pisassiissutit qaqitai aammalu Kalaallit Nunaanni ukiuni kingullerni marlunni pisassiissutit avaleraasartoortassat takuneqarsinnaapput. 2022 aamma 2023-mi Kalaallit Nunaata avaleraasartoortassai pisassiissutigineqartut ICES-mit TAC-ip aalajangersarneqartup 6,5 %-anut naapertuupput.

48.060 tonsit tassaapput ICES-ip 2024-mi siunnersuinerata 6,5 %-ii. 48.060 tonsit Kalaallit Nunaata 2023-mi pisaanit 20.000 tonsit missaannik annertunerupput.

Avaleraasartuut:

	2022	2023	2024
ICES-mip Atlantikup avannaani avaleraasartuunut siunnersuina (tonsit)	794.920	782.066	739.386
Tunup imartaani qaqinneqartut (tonsit)	0	0	
Nunat tamalaat aalisarfigisinnaasaanni qaqinneqartut (tonsit)	18.562	28.744	
Kalaallit Nunaata katillugit qaqitai (tonsit)	18.562	28.744	
Kalaallit Nunaanni pisassiissutit (tonsit)	51.670	50.834	

Takussutissiami ataaniittumi Norskit ammassassuunut upernaakkut suffisartunut (atlanto-skandisk) ICES-ip siunnersuina, Kalaallit Nunaata qaqitai aammalu Kalaallit Nunaanni ukiuni kingullerni marlunni ammassassuuartassiissutit takuneqarsinnaapput. Kalaallit Nunaat ammassassuarnut naalagaaffittut sinerialiungilaq, naalagaaffittut sinerialittut angusilluni inissinnissaanut kalaallit nunaata imartaani pisarineqartut naamassimangimmata. 2017-ip kingorna Kalaallit Nunaat ammassassuarnik pisaqarsimangilaq, tassani taamaallaat 338 tonsit aalisarneqarput.

Pisassiissutit atorineqartanngilluinnarpata Kalaallit ammassassuarnut qaffasippallaamik pisassiissuteqassaguni tamanna siunertaqanngilaq. Taamaattorli angallatit Tunumi avaleraasartoorniartut ammassassuarnik saniatigut pisaqassappata annikitsumik pisassiissutinik pigisaqarneq naleqquttuusinnaavoq. Kalaallit Nunaannut tunngatillugu Kalaallit Nunaat Islandimut avaleraasartuut pillugit isumaqatigiissusioreersimavoq, tassani avaleraasartoorniarnermi ammassassuarnik saniatigut pisaqartarnissaq, naatsorsuutigineqarluni.

Norskit ammassassui upernaakkut suffisartut (atlanto-skandisk):

	2022	2023	2024
Norskit ammassassuinut upernaakkut suffisartunut ICES-imit siunnersuineq (atlanto-skandisk) (tonsit)	598.588	511.171	390.010
Tunup imartaani qaqqineqartut (tonsit)	0	0	
Kalaallit Nunaanni pisassiissutit (tonsit)	25.000	5.112	

Aalisarnermut Piniarnermullu Naalackersuisoqarfimmit **inassutigineqarpoq**:

- Naalagaaffiit sineriallit isumaqatigiinniarnani avaleraasartuunut isumaqatigiissuteqarnermik inerneqassappat, Kalaallit Nunaat piginnaatitaanermi iluani isumaqataasinnaavoq, isumaqatigiissut taanna naapertorlugu 2024-mut Tunumi avaleraasartuunut TAC aalajangersarneqassaaq.
- Kalaallit Nunaannut peqataatitsisumik avaleraasartuunut isumaqatigiissummi Naalagaaffiit sineriallit isumaqatigiinniarnani inerneqassanngikkaluarpata 2024-mi Tunumi avaleraasartuunut TAC-mut ICES-p 6,5 %-mut siunnersuineri **48.060 tonsinik naleqartoq** aalajangersarneqassaaq
- 2023-mi Tunumi norskit ammassassuaannut upernaakkut suffisartunut (atlanto-skandisk) TAC ICES-p siunnersuineranut 1 %-mut 3.900 tonsinik naleqartoq **aalajangerneqassaaq.**

Tusarniaanermut akissutigineqartut danskisut kalaallisullu allatat Naalackersuisoqarfimmi qilanaarineqarput.